


ԳԵՎՈՐԳ ՎՐԹԱՆԵՍՅԱՆ

Մուսալեռան թանգարան-հուշարձան
համալիրի տնօրեն

Մ Ր Բ Ա Ձ Ա Ն Հ Ա Տ Ո Ւ Յ Ո Ւ Մ

Արտաշես Մովսեսի Բալաբանյանը ծնվել է 1926 թ. սեպտեմբերի 14-ին, Մուսալեռի շրջանի Բիթիաս գյուղում, Հոդազործ-արհեստավորի ընտանիքում:

-Արտակարգ կենսագրություն չունեմ, այն օտարությունից վերադարձած և Հայրենիք դառնալի պատմությունն է, որի տակ, համոզված եմ, փոխելով անուններն ու ծննդյան թվականները, երկրներն ու քաղաքները, կարող են ստորագրել տասնյակ Հաղարավոր Հայրենաքաղաք Հայեր, - ասում է նա:



Խաղաղ ապրում ու բարգավաճում էր Մուսալեռան ստորոտում գտնվող Բիթիաս գյուղի Բալաբանյանների մեծատուն գերդաստանը: Նրանք Հայտնի Հոդազործներ ու երաժիշտներ էին, որոնք մեծ հեղինակություն էին վայելում շրջակայքում և ցանկալի հյուր էին ամեն մի Հարկի տակ:

1939 թ. Մուսալեռան ժողովրդի վերջնադադթը նրանց Հասցրեց Լիբանանի Այնճար կոչվող անապատը, որը մի քանի տարում շենացրին ու դարձրին փոքրիկ «Մուսալեռ»: Այստեղից էլ սկսվում է Արտաշես Բալաբանյանի կյանքի ողբաականը: Նախ՝ դասեր վրանների տակ, հողի վրա նստած, ապա՝ հովվություն, հոդազործություն...

Եվ ահա մոր նամակը հեռավոր ափերում:

-Որդի՛ս, դպրոցի տնօրենը կխոստանա քեզի ազատել ուսման վարձեն: Շուտ տուն եկուր և շարունակե ուսումդ: Առանց ուսման մարդը նման է անբան կենդանուն...

Որոշ ժամանակ սովորելուց հետո, նորից Դամասկոսում է, այս անգամ դոկտոր Սադաթի մոտ է անցնում աշխատանքի¹։ Նա բոլորից փոքրն էր, բայց բոլորի սիրելին։ Մեծ ափսոսանքով է հիշում այնտեղից Հարկադրաբար հեռանալը։

1946 թ. հունվարին Արտաշեսը լսում է քաղցր Հայրենականը։ Խանդավառվում է նաև բազմանդամ ընտանիքի Հայրը՝ վարպետ Մովսեսը, որը Հայտնի էր որպես մեծ դուլցազնամարտի մասնակից և անընկճելի քաջամարտիկ։ Մեկը նրան ուզում է համոզել, որ չգնա Հայաստան, մյուսը՝ հակառակը։

— Հե՛յ ջան, քարավան, քչի՛ր քո ճամփան...

Շատերն անհանգիստ էին, ոմանք երկմտանքի մեջ... վարպետ Մովսեսի որոշումը անքեկանելի էր...

ԲԵՅՐՈՒԹ. Միջին Արևելքի փոքրիկ Փարիզ։ Նավահանգստում «Ռոսիա» ջերմանավը խարխիս է գցել։ Մեպտեմբերյան կիզող արև... յոթ ու կես Հազար ներգաղթողներ, որոնցից վեց Հազարը մուսալեոցիներ են, իրենց ավանդական թմբուկ-զուռնայով, բաց և լիքը սեղաններով։

Հայրենիքն էլ Հարազատ մոր նման հոգատար իր գիրկն է բացում դարավոր պանդուխտ զավակների առջև և օժանդակում, որ տուն — տեղ ունենան։ Դժվարությունները շատ էին, բայց տանելի...։

Այգ ծանր օրերին մեր մեծերն ասում էին.

— Կարիք չկա դժգոհելու։ Այս վիճակը, որը շատ ծանր է թվում ձեզ, թաղավորական է մեր տեսած 1915 թ. Համեմատ։

Արտաշեսն ու իր ընկերները կատարում են իրենց առաջին ուխտը՝ ոտքով էջմիածնից հասնում Օշական։

Տարբեր հիմնարկներում ու վայրերում զանազան աշխատանքներ կատարելուց հետո, 1948 թ. նոյեմբերի վերջին նա ընդունվում է Մ. էջմիածնի Հոգևոր Ճեմարան։ Դասախոսներն ու ուսանողները ջերմությամբ ու հոգատարությամբ են շրջապատում Արտաշեսի նմաններին։ Ճեմարանն ավարտում է, բայց հոգևորական չի դառնում, այլ նպատակներ ուներ։ Երաժշտական հոգևորով տարված 1954 թ. իր սիրելի դասախոս, մեծ երաժիշտ Դանիել Ղազարյանի երաշխավորությամբ, Արտաշեսի գործերն ընդունում են Ռ. Մելիքյանի անվան երաժշտական ուսումնարան, ավա՛ղ, աշխարհիկ վկայական չունենր և չեն ընդունում։

Պետհամալսարանի ռոմանագերմանական ֆակուլտետն ավարտելուց հետո զբաղվում է ուսուցչությամբ։

Աշխատանքին զուգընթաց մի քանի տարի վարում է էջմիածին քաղաքի օտար լեզվի արտահաստիքային տեսչի պարտականությունները։

¹ Նա արար էր, 35-40 տարեկան, հիացալի մարդ, կիճճ օտարազգի էր, ունեին երկու տղա։ Սովորել էր Գերմանիայում։ Դամասկոսի քոչկապետն էր, խորհրդարանի անդամ և Կարմիր խաչի ընկերությամբ նախագահ։ Ուներ երեք հարկանի մասնավոր հիվանդանոց։

նա էր առաջին ուսուցիչը, որ Էջմիածին քաղաքում կազմակերպում էր օտար լեզվի առաջավոր փորձի դպրոցը և հասնում զգալի հաջողությունների:

Պրն. Բալաբանյանն արժանանում է Հանրապետական ուսուցիչների կատարելագործման ինստիտուտի տնօրինության ուշադրությանն ու խորախուսանքին: Նրա առաջավոր փորձը տարածվում է ամբողջ երկրում:

Արտաշես Բալաբանյանը նաև երաժիշտ է: Նա պատրաստել է գործիքներ և նվագում է նրանց վրա: Երկար տարիներ շարունակ մասնակցել է քաղաքային ուսուցչական քառաձայն երգչախմբին՝ միաժամանակ մասնակցելով շրջանի կոմիտասի անվան մշակույթի տան ժողգործիքների համույթին: 1980 թ. Լենդրոշ Շամպոնյանի աջակցությամբ, Արտաշես Բալաբանյանը կազմակերպեց և ղեկավարեց «Մուսալեռ» ազգագրական երգի-պարի համույթը, որը բազմիցս ելույթներ է ունեցել մեր տոնախմբությունների ժամանակ, ինչպես նաև մասնակցել շրջանային և Հանրապետական փառատոների՝ արժանանալով բազմաՀազար Հանդիսատեսների ուշադրությանն ու որոտընդոտ ծափահարություններին:

Այսօր լրանում է նրա յոթնասունամյակը, որի կեսից ավելին նա նվիրաբերել է մանկավարժությանը: Այս ընթացքում Հաշտ ու խաղաղ աշխատել է ավագ ընկերների՝ վաստակավոր ուսուցիչ և մեծ երաժիշտ Մովսես Շերբեթչյանի և Կարապետ Վարդապետյանի հետ, որոնք Էջմիածնում և շրջանում օտար լեզվի առաջին ծիծեռնակները եղան:

Արտաշեսը Հպարտության մասում է.

-Ես նրանց Համարում եմ ոչ միայն իմ ավագ ընկերները, այլև իմ ուսուցիչները շատ հարցերում:

Տասնամյակներ առաջ նա վաստակորեն բարձր դասարանցիներին պատմում էր Մուսալեռան դուրյազնամարտի, իր ծնողական սերնդի կատարած խելահեղ սխրանքների մասին և Հայրենասիրական երգեր սովորեցնում, սերմեր ցանում աշակերտների Հոգում, երբ նման քայլը Համարվում էր վտանգավոր...

Նա Մուսալեռան Հայրենակցական միության Հիմնադիր (սկզբում գաղտնի) անդամներից մեկն է: Տասնամյակներ շարունակ սիրով ու անտրտուն լատարում է այդ միության Էջմիածին քաղաքի և շրջանի պատասխանատու քարտուղարի դժվարին, բայց պատվավոր պարտականությունները:

-Իմ սիրելի ժողովուրդն ինձ դնահատում է, ուրեմն իզուր չեն անցել կյանքիս տարիները,- եզրակացնում է մեր սիրելի Հոբելյարը:

Ուստի ցանկանանք նրան քաջառողջություն, հաջողություններ իր աշխատանքի մեջ ու երկար տարիների արգասավոր կյանք:

